



Patriarchatus Latinus- Ierusalem
البطريركية اللاتينية الأورشليمية
المكتب الليتورجي
Officium Liturgicum

Die 9 Maii

S. Isaiae, prophetæ et martyris

Memoria

Ant. ad introitum

Is 61, 1

Spíritus Dómini super me, propter quod unxit me, evangelizáre paupéribus misit me (*T.P.* Allelúia).

Collecta

Deus, misericordiárum Pater,
qui per os sancti Isaíæ, prophétæ,
vitam, mortem et gloriam Unigéniti tui, Salvatóris nostri,
prædixisti; concéde, propítius:
ut hæc salútis nostræ mystéria iúgiter recoléntes,
ad æténa gáudia pervenire mereámur.
Per Dóminum.

LECTIO PRIMA (prop.)

« *Et dixi: Ecce ego mitte me* »

Lectio libri Isaíæ prophétæ

6, 1a. 3. 5-8

In anno quo mórtuus est rex Ozías, vidi Dominum sedéntem super sólium excélsus et elevátum. Séraphim stabant super illud. Et clamábant alter ad álterum et dicébant: « Sanctus, Sanctus, Sanctus Dóminus exercítuum; plena est omnis terra glória eius ». Et dixi: « Væ mihi, quia vir pollútus lábiis ego sum, et in médio pópuli pollúta lábia habéntis ego hábito, et Regem Dóminum exercítuum vidi óculis meis! ».

Et volávit ad me unus de Séraphim, et in manu eius cálculus, quem fórcipe túlerat de altári; et tétigit os meum, et dixit: « Ecce tétigit hoc lábia tua, et auferétur iníquitas tua, et peccatum tuum mundábitur ».

Et audívi vocem Dómini dicéntis: « Quem mittam? et quis íbit nobis? » Et dixi: « Ecce ego, mitte me! ».

Verbum Dómini.

R̄. Hauriétis aquas in gáudio de fóntibus Salvatóris.

1 Ecce Deus salvátor meus, fiduciáliter agam et non timébo,
quia fortitúdo mea et laus mea Dóminus,
et factus est mihi in salútem.

Hauriétis aquas in gáudio de fóntibus Salvatóris. R̄.

2 Confitémini Dómino et invocáte nomen eius,
notas fácite in pópulis adinventiónes eius,
mementóte quóniam excélsus est nomen eius. R̄.

3 Cantáte Dómino, quóniam magnífice fecit,
annuntiáte hoc in univérſa terra.
Exsúlta et lauda, habitátio Sion,
quia magnus in médio tui Sanctus Israel. R̄.

ALLELUIA

Sir 44, 1. 14

R̄. Alleluia. V̄. Laudémus viros glorióſos in generatióne
sua. Nomen eorum vivit in generatió-
nem et generatiónem. R̄. Alleluia.

EVANGELIUM (propr.)

« Hodie impleta Scriptura Isaíæ in auribus vestris »

✠ Lécio sancti Evangélii secúndum Lucam 4, 16-21

In illo témpore :

Venit Iesus Názareth, ubi erat nutritus, et intrávit se-
cúndum consuetúdinem suam die sábbati in synagógam et sur-
réxit légere. Et tráditus est illi liber Isaíæ prophétæ. Et, ut

revólvit librum, invénit locum, ubi scriptum erat : « *Spiritus
Dómini super me, propter quod unxit me evangelizáre pau-
péribus, misit me praedicáre captívīs remissiónem et cæcis
visum, dimittere confráctos in remissióne, praedicáre annum
Dómini accéptum* ». Et cum plicuísset librum, réddidit mi-
nistro et sedit; et ómnium in synagóga óculi erant intendén-
tes in eum.

Coepit autem dicere ad illos : « Hódie impléta est hæc
Scriptúra in áuribus vestris ».

Verbum Dómini.

Super oblata

Effúnde super nos, Dómine,
Spíritus Sancti sacrum septenárium,
ut grátiae tuæ múnere ditáti,
ad sacra mystéria celebránda dignius accedámus.
Per Christum.

Ant. ad communionem

Is 7, 14

Ecce virgo concípiet et páriet filium : et vocábitur nomen
eius Emmánuel, quia Nobíscum Deus (T.P. Alleluia).

Post communionem

Háusimus, miséricors Deus, gaudéntes de fóntibus Salvatóris :
fac ut nobis fiant
et mortális vitæ subsidia et perpétuæ pignóra felicitátis.
Per Christum.